



Kvennalistakonur þinguðu að Varmalandi í Borgarfirði um helgina og komust meðal annars að þeirri niðurstöðu að hefja ekki viðræður við Alþýðubandalagið og Jóhönnu Sigurðardóttur um sameiginlegt framboð i þingkosningunum í vor.

DV-mynd Garðar Guðjónsson

Landsfundur Kvennalistans var haldinn um helgina:

Sameiginlegu framboði hafnað

– ný stefnuskrá verður samþykkt í janúar

Ákveðið var á landsfundi Kvennalistans að Varmalandi í Borgarfirði um helgina að hefja ekki viðræður við Alþýðubandalagið og Jóhönnu Sigurðardóttur, þingmann utan flokka, heldur stefna frekar að framboði Kvennalistans um allt land í kosningunum í vor. Jóna Valgerður

Kristjánsdóttir, þingkona Kvennalistans, segist telja að Kvennalistinn þurfi að stokka spilin upp og breyta um baráttuaðferðir og því hafi hún talið rétt að fara í viðræður um sameiginlegt framboð í vor.

„Mér fannst vera kominn tími til að skoða sameiginlegt framboð á

þeim forsendum að konur hefðu verulegt vægi og yrðu í fyrra sæti um allt land. Ég myndi ekki segja að ég hafi orðið undir í þessum viðræðum því að minn málstaður átti verulegan hljómgrunn. Við ræddum stefnuskrá Kvennalistans sem verður endanlega samþykkt í janúar og

samþykktum tillögu um að leita eftir tvíhliða samningum við ESB í stað inngöngu,“ segir Jóna Valgerður Kristjánsdóttir, þingkona Kvennalistans.

DV-14.11.94